



**Nasjonalparkstyret
for Jotunheimen
og Utladalen**

Postadresse
Postboks 987
2604 LILLEHAMMER

Besøksadresse
Norsk fjellsenter
Brubakken 2, 2686 Lom
Luster kommune,
Kommunehuset, 6868 Gaupne

Kontakt
Sentralbord: +47 61 26 60 00
Direkte: +47 948 80 564
sfinpost@statsforvalteren.no
<http://www.nasjonalparkstyret.no/jotunheimen>

Vågå kommune
Edvard Storms veg 2
2680 VÅGÅ

Saksbehandler Kari Sveen

Vår ref. 2022/7884-2 432.3

Dykkar ref.

Dato 10.08.2022

Delegert vedtak - Jotunheimen nasjonalpark - Dispensasjon - Motorferdsel - 2022 - Transport i samband med skadefelling jerv - Vågå kommune

Delegert vedtak

I medhald av delegeringsreglementet vedteke av Jotunheimen og Utladalen nasjonalparkstyre 11.05.2016, er det gjort følgjande vedtak:

Vågå kommune får dispensasjon for bruk av motorbåt i samband med transport av medlemmer i fellingslag for uttak av ein jerv, i tråd med skadefellingsløyve gjeve i brev av 08.08.22 frå Statsforvalteren i Innlandet.

Løyvet er gjeve med heimel i verneforskrift for Jotunheimen nasjonalpark, § 3 pkt. 6.3 r). Transporten blir ikkje vurdert å medføre negative konsekvensar for naturmangfaldet.

Vilkår:

- Motorferdselløyvet innan nasjonalparken gjeld bruk av båt på Russvatnet, for transport av medlemmer i det kommunale fellingslaget.
- Dispensasjonen gjeld frå d.d. til 15. august 2022, eller til uttak av jerven er utført.
- Dersom skadefellingsløyvet blir utvida etter denne datoen, kan dispensasjonen utvidast til å gjelde for tilsvarende tidsrom, etter melding til nasjonalparkforvaltar.

Bakgrunn

Dokument i saka

- Søknad ved e-post av 10.08.22 frå Vågå kommune'
- Brev av 08.08.22 frå Statsforvalteren i Innlandet - Vedtak om skadefellingsløyve gjeldande for 06.08.22-15.08.22

Saksopplysningar

Søknaden gjeld transport i samband med jervuttak, og har følgjande ordlyd:

«Viser til løyve til skadefelling av jerv i Russdalen, sjå vedlegg. Det er behov for

motorferdsel på Russvatnet i samband med transport av mannskap til postering. Det blir herved søkt om løyve til transporten. Det er Lom tamrein sin båt som vil bli nytta. Løyvet gjeld til 15. august, men det blir søkt om løyve for heile denne beitesesongen ettersom fellingsløyvet truleg blir forlenga.

Vågå kommune skal behandla søknad om motorferdsel med ATV frå Russtangen og fram til Russvassosen. Håper på snarleg svar da det hastar med å få mannskap inn i området.»

Transport til Russvassosen skjer utanom nasjonalparken, og blir behandla av kommunen. Bruk av båt på Russvatnet for dette formålet krev dispensasjon frå verneforskrift for Jotunheimen nasjonalpark.

Heimelsgrunnlag

Delegering

Nasjonalparkstyret har delegert forvaltningsmyndigheit for Jotunheimen nasjonalpark og Utladalen landskapsvernområde i medhald av vedtekter revidert frå 01.01.2020.

NP-styret har i møte 11. mai 2016 delegert til nasjonalparkforvaltar å gjera vedtak i kurante saker etter dei spesifiserte dispensasjonsreglane og i saker etter nml § 48 med etablert forvaltningspraksis.

Verneformål – forskrift

Skadefelling av jerv er direkte heimla i verneforskrifta § 3 pkt. 3.2. b) når det er gjort vedtak: 3.2: Reglane i pkt 3.1 (Vern av dyrelivet) er ikkje til hinder for:


b. Skadefelling av store rovdyr i samsvar med gjeldande regelverk.

§ 3 pkt. 6.1 set i utgangspunktet forbod mot all motorferdsel.

Forvaltningsstyresmakta kan med heimel i § 3 pkt. 6.3 r gje løyve til «Naudsynt motorferdsel for tiltak i samband med forvaltning av artar etter pkt. 1.3 m) og 3.2 b).»

Når det gjeld fart for bruk av motorbåt gjeld: «Maksimal tillaten hastigheit med motorbåt på Gjende, Russvatnet og Bessvatnet etter f), g), h), i) og j) er 8 knop.»

Forvaltningsplan (rettleiande utkast frå 2008)



Området ligg i brukssone, og forvaltningsplanen seier m.a. dette om denne kategorien: «Det er store naturkvalitetar i områda med brukssone. Det er eit mål å ta vare på desse samstundes som områda vert brukt, ikkje minst for friluftsliv. Retningslinjer og tiltak tek sikte på å finne den optimale balansen mellom bruk og vern.»

Naturmangfaldlova (nml)

Søknaden blir vurdert etter dei miljørettslege prinsippa i Naturmangfaldlova §§ 8-12.



Presedens

Det er etablert praksis å gje løyve til nødvendig motorferdsel i samband med etablert bruk.

Vurdering

Russdalen er eit verdifullt beiteområde, der det kvart år blir sleppt mykje sau. Beitelaget har etablert tilsynsordning med eigen gjetar. For effektiv skadedyrfelling av jerven som det nå ligg føre eit vedtak på, vil det vera nyttig å få mannskap inn i beiteområdet der jerven ferdast.

Dispensasjonen gjeld transport av mannskap.

Tiltaket blir vurdert som nødvendig, og det vil ikkje skape uheldig presedens.

Transport med motorbåt på Russvatnet på seinsommaren blir ikkje vurdert å vera i strid med verneformålet, og vil ikkje påverke verneverdiane i nemneverdig grad.

Vurdering etter naturmangfaldlova §§ 8-12:

§ 8 Kunnskapsgrunnlaget: Det er god kunnskap om området, og transporten skil seg ikkje frå den transporten som er direkte heimla i § 3 pkt. 6.2. h) som gjeld transport i samband med utøving av beiterett. Området rundt Russvatnet er ein verdfull fuglebiotop, men båttransport i moderat fart i august vil ikkje gå ut over fuglelivet.

§ 9 Føre-var prinsippet: Ein kan ikkje sjå at transporten vil gje merkbar meirbelastning på naturmiljøet.

§ 10 - Økosystemtilnærming og samla belastning: Forvaltningsstyresmakta følgjer ein generelt streng praksis i høve til motorferdsel, og samla belastning blir vurdert som akseptabel for enkelte avgrensa tiltak, der nytteverdi er større enn ulempene.

§ 11 - Kostnader ved miljøforringing: Spørsmålet vert ikkje vurdert som relevant.

§ 12 - Miljøforsvarlege teknikkar og driftsmetode: Motorbåt er ei effektiv og skånsam løysing for transport av mannskap som skal gjennomføre jervuttaket.

Konklusjon:

Vilkår for å gje dispensasjon for motorferdsel i medhald av verneforskrifta § 3 pkt. 6.3 r er til stades, og vil ikkje representere nokon særleg skilnad frå den transporten som beitelaget kan utføre med direkte heimel i forskrifta § 3 pkt. 6.2 h) i samband med utøving av beiterett.

Vedtaket kan påklagast etter reglane i forvaltningslova. Eventuell klage skal stilast til Miljødirektoratet, men sendast via nasjonalparkstyret innan 3 veker etter motteke vedtak.

Med helsing

Kari Sveen
nasjonalparkforvaltar

Etter våre rutinar er dette brevet godkjent og sendt utan underskrift



Kopi til:

Vågå kommune v/ Nersveen, Laila

Vågå fjellstyre

Statens naturoppsyn - Jotunheimen og Utladalen

Statsforvalteren i Innlandet

Eldrid Nedrelo

Postboks 16 2684 VÅGÅ

Postboks 987 2604 LILLEHAMMER